

مُشَاطِقُ

در سعادت باب عالی جاده-سند
اداره مخصوصه
محل اداره :

افشار :
مسکونه موافق آثار جدید مع المقتضیه
قبول اولنور
درج ابدلین آثار اعاده ارتخار

دین ، فلسفه ، ادبیات ، حقوق و علوم دین باحث هفته لاق رساله در

در سعادت نسخه سی ۵۰ پاره در

مؤسسه ملی : ابوالعلا زین العابدین - ح . اشرف ادیب

فیرلادن مقوا بورو ابله کوندریلیرسه سنوی
۲۰ غروش فضله آلنیر

تاریخ تأسیسی :
۱۱ محوز ۳۲۴

سنه لکی	القی آیانی	درسه دتده
۶۰	۳۰	درسه دتده
۸۰	۴۰	ولایاتده
۸۰	۴۰	مملک اجنبیه ده

در سعادت پوسته ابله کوندریلیرسه ولایات بدلی اخذ اولنور.

كذلك كندی مالنی حرام یرلره صرف ایتك، اسرافات و سفاهات یولنده اتلاف ایتك حرام در . بعض كناه پاره سز اولور . بعضیسی ده پاره صرفیله اولور . غصب و غارت مقوله سی شیلر وززو و بال كتیردیگی گئی اللهك و یرمش اولدیغی مالی، امانتی سوء استعمال ایدرك، اللهك عصیانته توسل ایدنلر كده مسئولیت عظیمه سی واردركه باشقه جه جزاسی اوله جق :

— بن سكا مال و یردم، حاجتگی كوره سك، محتاجینی كوزه ته سك . یوقسه عباد اللهه ظلم ایده سك ، حقوقنی ابطال ایده سك ، عرض و ناموسنه تعرض ایده سك ، وسائر جهات ایله ناسه تعرض ایده سك ، سرخوش اوله رق — مثلاً — علمی ازم سك دكل ... پاره ایله ایشله نیر بعض كناهلر واركه اوننی تمنی ایدنلر چوقدر .

صوكر استثناسی وار : « الا ان تكون تجارة » استثنا منقطع در . [الا] « لكن » معنانه . بویله یاپمایك ! نیچون غیر مشروع بر صورتله بر کیمسه نك مالنی آله سك ؟ الله تجارت قابولرینی آچمش بزه . تجارت ایدك ؛ رضا ایله ، كوكل ایله صورت مشروعده قازانك . تجارتدهده او شرط وار : کیمسه یی آلتامایه رق ، مجبور براقایه رق ، انصاف ایله تجارت ایدرك مال و سامان صاحبی اول . هر شیک بر یولی وار . الله هیچ بر شینی حرام ایتیمور ، الا یانه حلال ، پاك بر شی قوییمور .

— نه یاپیم ؟ زنکین اولمق ایسترم ...

زنکین اوله مازسك علمك مالنی غصب و غارتله . اولسه كده بر خیرینی كورمزسك ، تپه اوستی کیدرسك . مشروع اولمایان شیده برکت اولماز و سلامت تأمین ایدیلمز . آنک ایچون تجارت یوللرینی آچمش . دنیا ایچون چالیشك ، لكن تجارتله اولملی .

صوكر نه بیورور ؟ « ولا تقتلوا انفسكم » صاقین کندکزه قیمايك . نفسکزی قتل ایتيك . بوراده بر قاچ احتمال وار . بعض مفسرین کرام دیرلر : « نفسکزی » دیمك ، اخوانکزی ، اخوان دینکزی دیمك در . حسن بصری [المؤمنون کلهم کنفس واحدة] دیمش . اخوانکزی قتل ایتيك ، دین قارداشکزه قیمايك ، کیمسه نك جاننه تعرض ایتيك . [ای من کان من جنسکم فان المؤمنین کنفس واحدة] بیضاوی و ابو السعود بویله تعلیل ایدرلر . بوراده « النفس » کندی جنسکزدن ، اخوان دینکزدن اولان قارداشلیکزد دیمك . نیچون نفس دیورور ؟ کندی نفسک کی در . بتون مؤمنلر بر نفس حکمنده در . بر جان ، بر وجود . بر مؤمن اکسیلتیرسه ك کندك اکسیلیرسك . بر کیمسه یه فالق ایدن کیمسه کندینه ایتمش اولور . اخوانکزه ، اخوان دینکزه تعرض ایتيك .

ایشته بعضیلری : « اخوان دین دیمکدر » دیور . اما دین قارداشی اولمایانلری اولدورك دیمك چیقماز . اونلر كده حقوقنی شریعت محافظه ایتمشدر . چونکه بعضیلری « افراد انسانیه » دیه تفسیر ایدیور . حقلی اولدقدن صوكر هانکی دینده اولورسه اولسون حقوقه رعایت لازم در . « لهم مالنا و علیهم ماعلینا » سائر ملتله در

ایده میوب بلکه کندیسینی تجهیل ایده جکئی مطالعه ایتمکه او یولده کندینه حکیمانه بر کریزگاه بولمش اولمسی احتمالی ده قوی در . « کلوا الناس علی قدر عقولهم » . بر قومك لغتی یالکزر لسان تحریردن آهسته آهسته ایشتمکه مألوف اولانلر بالطبع سرعتله جزیان ایدن مکالمه یی تمامیه فهم وضبط ایده مزلر ، خصوصیه متکلمك تافظنده غنلر ، اماله لر ، تخفیفلر کی طرز وادار بولورسه ... فقط چوق کره اولوركه آثار محرره یی ارباب لساندن بیله ده ای اکلار دها موشکافانه تدقیق ایدرلر . مع مافیه هر نه اولورسه اولسون تحصیل قواعد ایله تکلم هممنان اوله رق کیتسه دها فیضلی دها ثمره بخش اولور .

برکت زاده : اسماعیل مهنی

مواظظ

مقررئ : مناستری اسماعیل حق
محررئ : ح . اشرف ادیب
۵۶ درس — ۲ شباط ۳۲۴

اعوذ بالله من الشيطان الرجيم . بسم الله الرحمن الرحيم .
« يا ايها الذين آمنوا لا تأكلوا اموالكم بينكم بالباطل الا ان تكون تجارة عن تراض منكم ولا تقتلوا انفسكم ، ان الله كان بكم رحيمًا . ومن يفعل ذلك عدوانًا وظلمًا فسوف نصليه نارًا و كان ذلك على الله يسيرًا » صدق الله العظيم .

« يا ايها الذين آمنوا » ای ایمان صفتیه متصف بولسان قوللرم « لا تأكلوا اموالكم » صاقین اموالکزی اکل ایتيك ، مالکزی صرف ایتيك . « بینکم » بینکزه . نه وجهه ؟ « بالباطل » وجه باطل ایله . مشروع اولمایان بر صورت ایله ، نه کیمسه نك مالنی غصب ایدك ، کیمسه نك مالنی لندن آلك ؛ نهده کندی مالکزی سوء استعمال ایدك ... ایکی صورتهده شمولی واردر .

برینك مالنی آلق ... صورت غیر مشروعه ایله ، مثلاً سرقتله مالنی چاللق ، غصب ایتك ، حق وارکن انکار ایتك ، یمین ایتك . یالان شاهده بوله رق برینك مالنی کندینه جلب ایتك ، خیانتك ایتك ، قاربازلق ایتك .. هر نه صورته اولورسه اولسون شو غیر مشروع اولان بر طریق ایله ، ولوکه رضاسی اولسه بیله ، بش اون کیشی بیننده پیانقو چکهرك ، قار اوینایه رق باشقه نك مالنی آلق ...

— اما اوده ، بنده راضی ...

اولماز ، الله راضی دكل . الله حرام ایتمش . ولو رضاسی اولسون ، بخش ایتیمور ، هبه ایتیمور ، وصیت ایلیمور ، میراث قالمایور ؛ بلکه غیر مشروع بر صورته لندن آلیورسك . ایشته بونلرک جمله سی حرام در .

— یارب، بو آدمی ده می کسهلم؟ بریسی اولدی کتیدی . قاتلی ده اولدورورسهك بردانه دها اکیسهلجك . حبسه قویهلم تربیه ایدهلم ، صوکر ا چیقسون ...

یوق یوق ، دییور الله ، سز ایشك اصلی اکلایورسکیز . سز ظاهره باقارسکیز ، حالبوکه اونک اولمسی حیاتدر . کیمه ؟ بتون جماعت مسلمینه ، بتون عالم انسانیته ، بر آدمک اولمسی بیکلرجه کیمسهلرک حیاتنی محافظه ایدر .

قصاص ایچنده حیات واردر ، دییور الله . مفسرین بوکا ایکی درلو معنا ویرلر : برکیمسه قتله تصدی ایدهجك ، تصمیم ایدیور ، بر آدمه عداوتی وار ، قانه کیرمک ایسته یور ، بویله برینی قتل ایتمک قصدنده بولونان اگر بیلیرسهکه کندی ده قتل اولنهجق . اگر هیچ شبهه ایتیزسهکه قصاص حکم شرعیسی کندی حقنده اجرا ایدیلهجك او آدم قتله جرأت ایده مز . بر برینی اولدورمکه هیچ کیمسه جسارت ایده مز ، « بن اولدوره ییمده بنی نه یاپارلرسه یاپسونلر » دیمکه اپی بیوک جسارت ایستر . فقط « اون سنه یاته جنم ، چیه جنم ، بلکه دها اول قورتولورم » دیرسه او آدم قورقاز ، هر شیئی یاپار ، لکن دار آغاچنده ساللانه جغنی دوشونورسه یاپه ماز . بر بو .

برده قصاصی اجراده حیات وار ، قاتلی اولدورمک حیاتدر . زیر اقاتل قالیرسه مقتولک ولیرلی ، قیلایسی قاتلی اولدورمکه قالقیشه جقلر . اولدوره جکلر . شیمدی اوته کی طرف بو قیلادن برینی اولدورمکه تثبث ایدهجك . بوصورتله ایکی قبیله آراسنه قان دعواسی دوشهجك ، سن برقاتلی آصمایورسک ، قصاصه حکم ویرمیورسک . حالبوکه مقتولک اخذ ناری ایچون طرفدارلری یوقی در ، اونلر اولدورورلر . صوکر ا بونلر اونلری ... بویله ایکی قبیله محو اولور کیدر . قوجه برجماعتک سلامتته برقاتل فدا اولنمازمی ؟

قصاص بویله عالی در ، حیاته مالی در . بو سایه ده هم اونلر سلامت بولور ، هم قبیله نی . جناب اللهك حکمی بویله در . اللهدن ارحم اوله مازسک . اللهك مرحمت سبحانیسی عموم کائناته شاملدر . فقط مصلحته کوره در مرحمت . بر آدم جزاسنی بولمقله اوته کیلر سلامت بولور . یاخود دوشنور : « یاپارسه م بن ده بوله جنم بلای !... » . بونک ایچون کیمه کیمسه یه تعرض ایده مز . بونلری بو هفته ضراط مستقیمه صراحة یازه جغز ، ان شاء الله [۱] . عالی اصلاح ایچون باشقه چاره یوقدر . اوته کنک ، بریکینک رأیسه اولان شیلر هیچ در . آره صره حد شرعی اجرا اولنورسه راحت و آسایش تأسس ایدر ، بی نه یاه معموریت حاصل اولور . هانی کوکدن رحمت یاغمازسه یرلر نصل قورور ، قحط و غلا یوز کوستررسه ؛ حد شرعی ده اجرا ایدیلرسه آسایش اولماز . مطلقا آره صره حد شرعی یی اجرا لازمدر . خرسزلق ایدنلرک ، فسالق ایدنلرک جزاسی وار . بونلر قولای اجرا اولنماز . شرطی وار . عفو اولور ، لکن ایجابنده . فقط ولو بیکده بر اولسون ،

بزم حقوقزه نائل اوله جیق . اونلرک منفعتی بزم منفعتمز ، مضرتی بزم مضرتمز . بوجهتله نفوس آدمیه یی محافظه ایلک ، هیچ کیمسه یه تعرضده بولونماق اکلاییلر .

بعض مفسرین عظامده « انفس » کله سنی ظاهرینه حمل ایدرلر : کندیکنری قتل ایتمک دیمک . بر انسان کندی کندی اولدورورمی ؟ اولدوروریا . الهك عذابنه کرتار اولمق ، هلاک معنوییه او عرامق کندی کندی اولدورمک صاییلر . اعلا جنتلر وارکن جهنم چوقورینه طیقلمق بر قتل دکلی ؟ صوکر ا عالمک ماله تجاوز ایدرک کندی قتله باعث اولمق دیمکدرکه بونکله یوقاریده کی « لاتا کلوا » نهی تا کید ایدلش اولور . کرک بویله حقوقه تجاوز ، کرک سائر معاصی ارتکابه جرأت ، نفسی هلاک معنوییه سوق ایتمک ... ایشته قتل حقیقی بودر . انسان دنیا ده برکوره اولور ، اما آخرت اولومی هلاک ابدی در . « لایموت فیها ولا یحی » سعادت اخروی ده دن محروم قاله جق .

بعض مفسرین ظاهرینه حمل ایدرلر . بو اوچنچی قولدر . « کندی اولدورمه دیمکدر » دییورلر . بهضلری اتحار ایتزمی ؟ ایشته برطاقلری اونی عبادت صایار . جاهلانه ، بر طاقم معبودلر اوغورینه کندی اولدورور ، کیمیمی اتشه آتیلر ، « معبودمه قاووشیم » دیه . کیمیمی کندی صویه آتار ، عقلنجه عالم لاهوته قاووشور . ایشته بویله جاهلرک یادیغی کی ... (بیضاوی) .

صاقین ، دییور الله ، هیچ کیمسه ایچون نفسنی اولدورمه . کذلک معاذ الله بر صقنتی ایله مایوس اوله رق کندی اولدورمک ... بوده جائز دکل . ذاتاً اتحار ، مسلمانلر ده آزدر ، ملل سائرده دها زیاده در . زهر ایچر ، پیننه بر رولور صیقار ... معاذ الله . او ، تأثیر فلاکتله ، بر نوع مجنون کی اولور . جانیه قییار . اتحار ، اکبر کبائر دندر ، یعنی غیریسنی اولدورمه دن دها بیوکدر .

بوده اولکی معناده داخلدر ، خارج قالماز . چونکه اخوان دینی اولدورمه ، دیخه نفسنی ده اولدورمک ممنوع اولدینی اولویتله ثابت اولور . اولکی معنایه کورمه داخل اولور . فقط بومعنایه کوره : طوغرودن طوغرویه کندی اولدورمه . نه اتحار ایت ، نه ده قتله سبیت ویر . انسان کندی قتله سبیت ویررسه کندی اولدورمش اولور . مثلاً : برینی اولدورر ، قصاص اولنور . کندی اولدورمش دیمکدر . چونکه قتل اولمایه یدی ، اعدام اولمایه جقدی . هم بر مؤمنک قانه کیدی . هم کندی محو ایتدی .

قصاص بیوک شی در . بعض یرلر ده قالدیرمشلر . لکن هیچ بر شی اونک یرینی طوته مایور . الله نه بیورمش ؟ « ولکم فی القصاص حیوة » . نه قدر بلیغ برکلام ، نه قدر عالی بر حکمدر !.. ای مؤمنلر قصاص یوقی ، جانیه جان ، اولدورنی اولدورمک ... بونده حیات واردر . فقط ورته هپسی متفقاً دعوی ایدرلرسه قصاص اولنور . « دیت ایسته میز ، قصاص ایستز » دیرلر ، حاکم حضورنده قتلی عمدی اثبات ایدرلرسه الله نه بیورور ؟ « قصاص ایدک ! » .

صاقین فرقه فرقه اولماید . هیکز بر طرفه چکلیک . صوکر
دشمنلره یول آچارسکز ، اللرینه سرماییه ویررسکز . آیت اخرادهده :
(ولاتکونوا کالذین تفرقوا واختلّفوا) بیوریلور . صاقین اوپله
اولماید ، تفرق ایدن اهل کتاب کی آیریلناید . صوکر کنندی
هلاککزی کندیکز حاضرلامش اولورسکز . (ان الذین فرقوا دینهم
وکانوا شیعاً کل حزب بما لديهم فرحون) حقیقه غریبدر : اهل
اسلام ییننده ، باخصوص بر مسلك صاحبلى ، الك ایلری کلنلر ،
اوقویانلر یازانلر بونی یاپار . اعظم ارباب قلم بر برلرینک علینه دوشیور .
ایچمزدده دشمنلر وار . هیچ کیمسه بزم جدی اتحادمزی ایسته مز :
بوراسنی قطعاً بیللم . جمله مزک یکو جود اوله رق وطنک سلامتنه
چالیشمه مز منفعتلرینه مغایر کلیر . کیملرک ؟ کیملرکسه ... هپسنک
امللری واردی ، جمله سی یاندی .

اگر مشروطیتی تمامیه اداره ایدر ، انتظام و آسایشی اورتنیه
قویارسه ک هرکسک نظر تقدیرینی جلب ایدم جکز . شمدیه قدر
هپ فتنه و نفاقدن محو و پریشان اولیوردق .

لکن نه فائده ؟ ایش چیغرنندن چیقمش ، بیکانه اللره قالمش ،
رشوتلر ، ملعتلر ، التماسلر ایشک ایچنه کیرمش . بردن بره
دوزلمز . عجله ایله برایش کورلمز . اللی سبه بوزقلق ، شورش ، فتنه
وفساد هر طرفی قابلامش ، ایلکله ایشله مش . بردن بره اصلاح اولورمی ؟
ال برلکله چالیشلیر ایسه هر شیلر دوزله لیر .

اولا (اطیعوا الله ورسوله) بیورمش . الله ورسوله اطاعت
ایدک ، فرائض دینه کزی ایضا ایدک . (ولاتنازعوا) بربریکزله
منازعه ایتیمک . صوکر (ففشلوا وتذهب ریحکم) فصل سیاسی
کتابدیر قرآن . الله بزه سیاسی درس ویریور . یینکزده منازعه لر
چوغالیر ، بربریکزک علینه مهاجمات وقوع بولورسه صوکر قورقاق
اولورسکز . بری بریکزله اوغراشنجه طبعی سزه ضعفیت کلیر .
کوکلریکز بشقه بشقه وادیلر آیریلیر . (تحسبهم جميعاً وقلوبهم
شقی) منافقلر کی . کوکلر بشقه اولور . هرکسک مقصدی کنندی
منفعتندن عبارت قالیرسه طبعی عمومیه ضعفیت کلیر . قورقاقلق
عارض اولور . قوت اتحادله اولور . (وتذهب ریحکم) دولتکز
ال دن کیدر ، محو اولورسکز . هپ بوسیلهدر سوء اداره . منازعه دن
باشلار ایش . صوکر بربریکزله اوغراشه اوغراشه دشمنلر فرجه
بولور : مسلمانلر بربرینی قیرار . تمام ، دشمنلرک ارادینی کی .
نه دولت قالیر ، نه ملت . (ولاتنازعوا ففشلوا وتذهب ریحکم) معلوم
ضعف وجبانت . اتحاد اولمازسه قوت اولماز . (وتذهب ریحکم)
صوکر روزکاریکز اسمز اولور ، دولتکز زائل اولور . فقط بو
کنایه در . فلان آدمک روزکاری اسیور ، یعنی نفوذی جاریدر .
بر کیمسه نک نفوذی یوررسه بلغای عرب (جرت ریاچه) ، عکسی
تقدیرده « رکدت ریحه » دیرلر . فصلکه شاعر دیمشدر :

اذا هبت رياحك فاغتمها

فان لكل خافقه سكوناً

بلغا کلامی در بو . روزکارلرک کوزل اسرایسه ، ایستدیکک هواپی

اره صره اجرایی لازم . حدود شرعیه یی بتون بتون معطل براقق
امت محمدک باشنه بیوک بلا کتیرر . حدود شرعیه قارقارسه عدالت ولماز .
ایشته (ولاتقتلوا انفسکم) کنندی نفسکزی قتل ایتیمک ، دیور
الله . بر انسان کنندی نفسی فصل قتل ایدر ؟ برجنایت ارتکاب ایدر ،
کنندی کنندی قتل ایتیمک صاییلیر .

تسبب مسئله سی بیوکدر . تسبب : نظر شرعده بیوکدر . چوق
فناقلر تسبب طریقله وجود بولور . اونکچون حدیثده وارد
اولمشدر . بخاریده یازیلیدر . برکون رسول انبیا اقدامز بیوردیلر :

— کبارک الک بیوکلرندن بریسی نهدر . بیلیرمیسکز ؟

— نه در یا رسول الله ؟

بیوردی که : — بر انسان اناسنه ، باباسنه ، اجدادینه ، سب ایتیمک ،
سوکمک ... کناهلرک الک بیوکدر .

— امان یارسلو الله . هیچ کیمسه بونی یاپارمی ؟ هیچ برکیمسه
اناسنه باباسنه سب ایدرمی ؟ نه قدر اولسه برارتباط محبت وار . هیچ برانسان
ابویننه سوکرمی ؟ بیوردی که : — اوت ، کنندی دلیلله سوکز . عالمک
لسانیله سوکر .

نهدیمکدر بو ؟ او ، بریسنک اناسنه باباسنه سوکر . لعنت ایدر .
اوده اعاده ایدر . کویاکه کنندی اناسنی باباسنی سوکش اولور . نیچون ؟
چونکه سببیت ویردی . « های لعنت اولسون اجدادینه » دیدیرتدی ،
لعنته سبب اولدی .

اوپله خیرسنز اولاد . الله اوکا چکدیرر . نیچون ؟ سن سبب
اولدک ملعون . سن خیر یاپه مدک . سن ده ، اونلرده معذب اولور .
بویله در . تسبیدن قورقلی . انسان چوق کناهلری کنندی
یایما یور . لکن یایانلره سبب اولور . عالمک آغزینی آچاملی . استعید بالله :
(واطیعوا الله ورسوله ولا تنازعوا ففشلوا وتذهب ریحکم واصبروا)
سوره انفالده در . (واطیعوا الله ورسوله) ای قوللرم ، دائماً الله ،
رسولنه اطاعت ایدک . (ولاتنازعوا) بربریکزله منازعه ایتیمک .
آرایه اختلافلر چیقارمایدک . اختلاف آرایله یینکزه نفاق کیرمسون ،
فتنه وفساد قبولری آچیلماسون . آیت اخراده (ولاتکونوا کالذین
تفرقوا واختلّفوا) بیورلمشدر . مفسرین عظام بوکا دائر خیلی بسط
کلام ایتیشلردر . اختلاف آرا نهدر ؟ مسلمانلرک دینی بردکلی ؟ نهدر او
بیک درلو فرقلر ؟ اوپی نه یاه کشمکشلر ؟ بیکلرجه دشمنلر ایچنده
بولونیورز . هپمز ال اله ویره رک متحداً چالیشه جق زمانمزددر . شریعت
اوپله امر ایدیور : مؤمنلر یکو جود اوله جق ، ملل سائرله ایله کوزل
کچه جک . حالبوکه مع التأسف پک فنا حرکتلرده بولونیورز . نه قدر
غزته لر حکومت علینه سوزلریازیورلر ، بربری علینه افترا ایدیورلر .
بونلر ای شیلرمی ؟ شریعت جلبله بوکا مساعدمی ؟ دیمک بز کنندی
هلاکزی تمنی ایدرز ، دشمنلر یاپه ماز بزم کنندی کندمزه یایدیغمزی .
بر آدمک شخصنه اولان عداوت یوزندن بر ملتی محو قالدیشیر .
ایچمزدده بویله ملعونلر وار . الله بزه : « فرقه فرقه آیریلک ... »
دیور . بلکه (واعتصموا بحبل الله جميعاً) دیور . هیکز اللهک
ایینی طوتکز ، اوکا صاریلکز . اللهک ایی قرأندر . (ولاتفرقوا)

اول اونی ده دیورلردی ، نهلر سویله مزلردی . سزك یرکز یوقدر دیورلردی . نهروم ایلیده نه بوزاده . بوکون احراز ایتدیکنز مرتبه علیا هپ اتحاد سایه سنده در . هرکس بیلور جمعیت اتحادیه نك خدمتی . بتون ملت ، بتون اردو اتحاد ایتدی ، اوسایده بوترقیه مظهر اولدق . او اتفاق ایله الله بزه بو نعمتی ویردی .

— بنده بر فرقه اوله جنم ...

— پك ایی . فقط بانهم کوستر نه پادک ؟ مقصدك خدمت ایسه کل ایشته بن خدمت ایدیورم . سنده برابر چالیش . فقط حریفده حسن نیت یوق . آریجه کنینه اهمیت ویرر : — نیچون بنده سنك فکر نه تابع اولهیم ؟ دیر . بللی که مقصدی بشقه . نفوذ قزاقق ، مأموریت یقلامق . بشقه برشی دکل . فرقه فرقه ندر ؟ پروغرامك نه ایسه اورتهیه قوی . نه خدمت کوردک ؟ ایشته جمعیت اتحادیه آثاریه بوتون کائنات نظرنده ثابت بولنیور . هر درلو خدمتلی مصدق دکل ؟ بوکونکی کون مشروطیتك اولیه بر نکهبانه احتیاجی وار . بیک درلو دشمنلر انتزیهلر چویریورلر . صورت حقندن کورینه رک استبدادی اعاده چالیشیورلر . بونلره قابله مالی . هرکس ایشیله ، کوچیه مشغول اولهلی . حکومت ایشلرینه ، سیاسی شیلره افرادك قاریشمه سی اولماز . آریوجه بر هیئت ، هیئت مبعوثان ، اهل منعه وار ، اونلر هر شیئه باقیورلر . آرتق براق . فساد قاریشدرمه . مقصدك جدیت ایسه کل اشتراك ایت . «کل حزب بمالیدیم فرحون» بونلر ایی شیلردکل . معقول ، مشروع یوللر دکل . مقصد خدمت ایسه جاده بللی . اوچی بشی بر یره کله رک اورتهلغه ولوله ویرمك خیانتدر . الله جمله مزی بر سوء نیتدن ، بر فتنه وفساددن خلاص ایلیه . آمین

ایشته «ولا تقتلوا انفسکم» نفسکزی قتل ایتیهک ، یعنی هلاک عمومی به سببیت ویرمهک . «ان الله کان بکم رحیم» الله باق سزه نه درس ویریور . حق کوزمک . کیمسه نك مالنده کوزیکز اوله سون . بونك خلافت حرکت ایدرسه کز هلاککز مقرر در . نیچون دیور ، «ان الله کان بکم رحیم» الله چونکه جمله کزه بردن رحیمدر . اونك ایچون کیمسه کیمسه به ظلم ایتسون ، الله راضی اولماز . الله هرکسه نفسندن دها یقندر ، دها رحیمدر .

نفسك ده برامانت در . هلاکنه سببیت ویرمه جکسك . فتنه وفسادلره کرک کنیدنک ، کرک اخوان دینك هلاکنه بادی اولمايه جقسك . بن عظیم الشان جمله کزه رحیمیم . اونك ایچون سزه سویله امرلر ویرم . کیمسه کیمسه نك حیاتی ، مالی ، حقوقی غصب ایدرسه ایکسینه ضرر اولور . غیر مشروع شیدن ایکی طرفده متضرر اولور ، محو اولور . اونك ایچون «رحیمیم» دیور . هیکزه بر . «بکم» یالکز بر طرفه دکل . بتون قوللره مرجع در . اونك ایچون کیمسه کیمسه به تعرض ایتسون . الله جمله مزی اصلاح بیورسون . منام غفلتدن ایقاظ ایلسون آمین .

۵۶ نجی درسك صوکی ۲۰ شباط ، ۱۳۲۴

ابوالعلا

هلال مطبعه سی

بولورسه . غنیمت بیل اونی . دیمك ریاحك هبوب ایتمه سی ، بر انسانك سلامت بوله سی ، قدرت حاصل ایتمه سی در . آنك ایچون بعض مفسرین : ریخ ، دولت دیمکدر ، دیرلر . برملتک روزکاری دولت نفوذیه . حکومت قوتیه یورور . اوده ملتک اتفاقیه اولور . بر ملت حکومت علینده بولنورسه انتظام قلاماز . هرشی یوزی اوستنه قالیر . دشمنلره فرصت ویرر . حکومته تعرض ایچون سوء نیتدن ، منفعتدن بشقه برسبب یوقدر . تنازعک نتیجه سی جباتندر ، جباتک نتیجه سی ضعفدر . ضفك ده نتیجه سی ذلتدر ، یعنی نفوذ کیمکدر . نفوذ اولمازسه دولت کیدر .

صوکر ا فلان کیمسه نك روزکاری اسمز دیورلر . نه وقت ؟ «اذا» ادبار یاقه لار ، نفوذی قیریلرسه اووقت روزکاری اسمز دیورلر . یعنی نفوذی محو اولور .

— نه یاهلم ؟ مجبور ایدرلر . اوتیکی بریکی ایلشیر ، بنده قاوغایه مجبور اولورم . کلیر بریسی حقوقه تعرض ایدر . مدافعه ایتیهیم می ؟ آنك ایچون جناب باری نه بو آیت جلیله ده «واصبوا» بیورر . صبر ایدیکز ، هر شینك وقتنی کوزله یك ، سفها ایله اوغراشماک ، متین اولوک ، جاهلله ، سفیلله اویمایک ، سوزلرینه قارشو سوز سویله میک . احقه جواب سکوتدر (خصمك ستمن اکلاماق خصمه ستمدر) . اما پك زیاده مجبوری اولور ، شخصی تعرض ایدرسه ، محاکم آچیقدر ، اورایه مراجعت ایتلی . یوقه سن بر سویلرسك ، اوده بش سویلر . سنك اعوانك مقابله ایدر . اونك اطرافی کری قالماز ... دیرایکن آرا کزده اک بیوک بر عریبه ظهور ایدر . آنك ایچون «واصبوا» صبر ایدک ، بیوریلور . «ان الله مع الصابرين» صبر ایدنلرک یاردیحیسی اللهدر . نصرت الهیه صبر ایدنلره در [۱] جناب حق بزه نه کوزل نصیحتلر ایدیور . فقط بز دیکله میز . ایشمز هپ قرآنك خارجنده در . الله جل شانہ بزه هر درلو درس ویریور . هیچ بر نصیحت حاجت بر اقایور . ایشته بو آیت یتر . بتون امت بوندن درس آلمالی . «واطيعوا الله ورسوله ولا تنازعوا ففشلوا وتذهب ریحکم» منازعلر ایدرسه کز ، ایچکزدن درلو درلو فرقلر چیقاررسه کز ضعف وجبات یقه کزه صاریلیر . دشمنلر سزه غلبه ایدر . نه دولت قالیر ، نه ملت .

— نه یاهلم ، مجبور ایدرلر ...

«واصبوا» صبر نیچوندر ؟ صبر ایدک . سفهایه قارشو ، جاهلله قارشو اعتراض ایدرسه ک اونلر دها زیاده قودورورلر ، قاوغایه قالدیشورلر . چونکه ذاتاً آل آلتندن تحریک وار . دشمنلر صورت حقندن کورینورلر : — شونی ایسته یك ، بونی ایسته یك ... دیه تحریک ایدمرك مسلمانلری بر برینه دوشورمك ایستلر . صوکر اختلالر ، قاریشقلقلره محو اولوب کیتسونلر . چونکه جاهل ، عقلی ایرمز . بر آز حسیات دینیه سی قاریشدررسه ک جانم قوربان اولسون دیر . هر شیئی یاپار . حالوکه نه زمانده یز ؟ قرون وسطی کی کسوب بچه میز . بر آز بوکونلر قیردامغه باشلادق . بعض حقمره حقکز وار دیورلر .

[۱] فصل که بوکونلر بمنایه الله صبرک ثمراتی اقتطاف ایتدک . مصحح .